

鼎鑿幼幼集成

鼎鏤幼幼集成卷之三

羅浮陳復正飛霞氏 輯訂

廬陵劉 勣案孟氏 校正

遂陽周宗頤虛中氏 參定

○咳嗽證治

帝曰肺之令人欬何也岐伯曰五臟六腑皆令人欬非獨肺也又曰邪在肺則病皮膚痛寒熱上氣喘汗出欬動肩背○夫肺爲華蓋口鼻相通息之出入氣之升降必由之路故專主氣經曰形寒飲冷

則傷肺、由兒衣太薄、及冷飲之類、傷於寒也。經曰：熱傷肺、由兒衣太厚、愛養過溫、傷於熱也。又曰：皮毛者肺之合、皮毛先受邪氣、邪氣得從其合、使氣上而不下、逆而不收、克塞咽嗑、故令咳嗽也。

凡有聲無痰謂之咳、肺氣傷也。有痰無聲謂之嗽、脾濕動也。有聲有痰謂之咳嗽、初傷於肺、繼動脾濕也。在小兒由風寒乳食不慎、而致病者尤多矣。經曰：五臟六腑皆令人欬、然必臟腑各受其邪而與之、要終不離乎肺也。但因痰而嗽者、痰爲重、主治

明按裡
字通俗
字稅集
研計功
可也批也

在脾因咳而動痰者咳爲重主治在脾以時而言
之清晨咳者屬痰火午前嗽者屬胃火午後嗽者
屬陰虛黃昏嗽者火浮於肺五更嗽者食積滯於
三焦肺實者頓嗽抱首面赤反食肺虛者氣逆虛
鳴面白殭泄肺熱者痰腥而稠身熱喘滿鼻乾面
紅手捏眉目肺寒者嗽多痰清面白而喘惡風多
涕故治者各因其虛實寒熱而調之斯無誤矣
因於寒者則氣壅喘促聲濁而無汗鼻塞聲重宜參
蘇飲微汗之

咳而氣逆喘嗽面白有痰此肺本經病宜清肺飲咳甚葶藶丸微利之

咳而喉中介介有聲面赤發熱心煩或咽喉痛聲啞者此肺病兼見心證宜清寧散咽喉痛沆瀣丹

咳而面黃體倦痰涎壅盛或吐痰或吐乳食此肺病兼見脾證大抵咳嗽屬脾肺者居多以肺主氣脾主痰故也宜橘皮湯

咳而面青多怒痰涎壅盛而發搐者蓋因咳嗽聲不能轉所以瞪目直視此肺病兼見肝證宜集成金

粟丹

咳而面色闇黑、人咳而吐痰水、此肺病兼見腎證、宜六味地黃丸加麥冬、五味、

咳而聲不出口、鼻出血者、此氣逆血亦逆也、須順氣寧嗽爲主、宜人參、冬花膏、

咳而人不止、並無他證、乃肺虛也、只宜補脾爲主、人參五味子湯、

咳而胸高骨起、其狀如龜者、謂之龜胸、此肺熱之極、陽火熏蒸而致也、清燥救肺湯、

咳而日人胸前疼痛口吐膿血腥臭者此肺火壅盛
已成癰也桔梗湯治不如法其證多死

凡咳嗽痰涎壅塞逆氣冲併而作搐者多難治故頭
搖目上視及閉目呻吟手足擺舞肩息胸突喉中
痰鳴口噤不乳喘而手足冷皆死證也

○入方

人參敗毒散

此方辛平升散爲咳門第一神方舉世少有知者
凡有咳嗽無論內傷飲食外感風寒夾濕夾毒不

拘男婦大小胸緊氣急咽痛口苦痰不相應卽用
此方升散之或感冒重者服此其咳愈甚不知者
以爲藥不相符棄而勿服不知正是升散之力佳
兆也再服之漸次輕減不拘劑數只以痰應爲度
聲嚕痰出是其效也枯燥之人數劑之後略加沙
參玉竹當歸白芍生地麥冬之類以滋其陰無不
愈者再有吁嚕凡欬嗽初起切不可誤用寒涼及
滋陰之藥閉其肺竅爲害不小但以辛散爲先着
俟痰應之後漸加滋陰則得矣

官揀參

五七分不川亦可

非桔梗

錢二

正川芎

錢一

白雲苓

錢一

陳枳殼

錢一

信前胡

錢一

川羌活

七分

川獨活

五分

北柴胡

錢一

南薄荷

錢一

荆芥穗

錢一

北防風

錢一

淨連翹

錢一

炙甘草

五分

生薑一片為引水煎半饑服每日二劑

參蘇飲

治四時感冒頭痛發熱咳嗽痰盛此方不如前方

用之多不效姑存之

官揀參

五分

白雲苓

錢一

陳枳殼

錢一

法半夏

錢一

信前胡

錢一

芽桔梗

錢一

老蘇葉

錢一

粉乾葛

錢一

真廣皮

錢一

炙甘草

分五

生薑三片葱白三寸水煎溫服取微汗

清肺飲

治氣逆而咳面白有痰

信前胡

錢一

北柴胡

分七

桑白皮

分五

陳枳殼

錢一

淨知母

錢一

川貝母

錢一

南薄荷

分七

白雲苓

錢一

白桔梗

錢一

金井膠

錢一

大麥冬

錢一

荆芥穗

錢一

炙甘草

分五

水煎熱服切忌油膩、

葶藶丸

治乳食衝脾傷風咳嗽、面赤身熱痰多喘嗽、

甜葶藶

去土隔紙罌炒

黑牽牛

炒

光杏仁

去皮尖炒黃色另研

漢防己

炒

右藥等分爲細末、入杏仁泥和蒸棗肉爲丸、棗豆大、每五七丸薑湯化下、量兒大小加減、

此丸因乳食傷脾痰甚者、及壯實小兒可用之、苟不因乳食所傷、并怯弱者、本方去牽牛、易家蘇子

等分炒研爲丸效、

清寧散

治心肺有熱而令咳嗽、宜從小便利出、

桑白皮

蜜炒

甜葶藶

微炒

赤茯苓

酒炒

車前子

炒

炙甘草

減半

右爲細末、每服五分生薑大棗煎湯調服、

集成沈瀝丹

方見二卷胎疾門

橘皮湯

治咳嗽痰甚嘔吐

法半夏

錢一

白雲苓

錢一

真廣皮

錢一

旋覆花

錢一

北細辛

分五

官揀參

分五

芽桔梗

錢一

陳枳殼

錢一

炙甘草

分五

生薑三片、大棗一枚、水煎徐服

集成金粟丹

方見二卷類攝門

六味地黃湯

方見二卷胎疾門

人參冬花膏

治氣逆咳血痰中見血

官揀參

天門冬

麥門冬

款冬花

川貝母

桑白皮

金井膠

片枯苓

白當歸

已上各一錢

北五味

炙甘草

各五分

右爲細末煉蜜爲丸龍眼核大每一丸燈心湯下

人參五味子湯

治火嗽脾虛中氣怯弱面白唇白此神方也

官揀參

錢

漂白朮

錢五

白雲苓

錢一

北五味

分五

杭麥冬錢 炙甘草八分

生薑三片 大棗三枚 水煎溫服、

清燥救肺湯 喻嘉言製

治諸氣贖鬱諸痿喘嘔皆屬肺之燥也、

鮮桑葉 經霜者得金氣而柔潤不凋取之為君用二錢 炙甘草 和胃生肺一錢

熟石膏 稟清肅之氣極清肺熱用一錢二分 官揀參 生胃之津養肺之氣七分

胡麻仁 炒研一錢 真阿膠八分 杭麥冬 去心一錢二分

北杏仁 泡去皮尖炒黃七分 枇杷葉 一片刷去毛蜜塗炙黃用

水一碗煎六分頻頻分二三次服痰多加川貝母

瓜蒌、血虛加生地黃、熱甚加犀角、羚羊角

桔梗湯

治肺癰、出膿血、

牙桔梗

錢二

白當歸

錢一

川貝母

錢一

瓜蒌皮

錢一

漢防己

錢一

光杏仁

分五

陳枳殼

錢一

薤白仁

錢二

生黃耆

錢一

鮮桑葉

錢一

潤玄參

錢一

用蘆茅嫩根三錢爲引、水煎熱服、

○百晬嗽論

凡乳子百日內有痰嗽者、謂之百晬嗽、或出胎暴受

風寒或浴兒爲風所襲或解換襦裳或出懷喂乳而風寒得以乘之此病由外來者或乳汁過多吞嚥不及而噎者或啼哭未定以乳哺之氣逆而噉者此病由於內生者皆能爲噉第前汗下之劑難於用之以其胃氣方生不能勝藥故也故曰百晬噉難醫然雖曰難醫正未嘗曰不醫予之治此未爲不多其用藥之治有案在後復有不治之治更爲捷徑而又百治百愈但須乳母聽戒治之無難凡遇百晬噉先用荆防敗毒二小劑母子同服服

完止藥惟令乳母忌口凡葷酒油膩鹽醋酸鹹薑
椒辛辣青菜麪食之類一舉屏絕惟用香茶白飯
少佐橘餅橙片以清其乳雖兒嗽至重者不過十
日八日得補清乳嗽自愈矣倘不聽戒復不擇醫
徒然服藥有名無實竟何益哉

○附案

遂陽明經高君作梅翁與令翁雲軒翁同於甲寅五
月舉子然皆膏粱之稟胎元怯弱於七月間兩兒
同患百晬嗽予謂雲翁曰公郎面白眼淡白眼帶

青嗽聲連續痰不相應此肝風有餘肺氣不足雖有喘嗽未可以常法治之設投疎風清肺適足益燥傷陰不特嗽不能愈而證必加重雲翁深以爲是乃投人參五味子湯其應如響四劑全瘳計用人參二錢八分作翁者其體更弱外候面白眼青自汗多嗽滿頭青筋顙門寬大因謂之曰令姪正同此證已服補脾保肺之劑愈矣公郎中氣更虛速宜用參始不費手適有老嫗專挑馬牙者從內阻之復有醫者從外阻之力言不可用參服參則

不可治且云未見百日之兒敢用參耆老嫗更囑
其母曰道翁九藥切不可服其中多有人參服之
爲害不淺其母聞之以爲誠然於是視予藥如砒
毒矣作翁因素艱嗣息莫能張主於予言似有陽
是陰否之意予見其遲疑不決亦不敢強姑聽之
此醫日一診視自七月下旬治起直至十月初旬
作翁往府考貢其病愈治愈危竟至於奄奄一縷
而逆證叢生無可救藥醫者束手乏策老嫗緘口
無言皆絕迹不至矣夫人輩無所倚仗復懇於予

明按天
內未詳

予嘆曰早聽予言何有今日乃入診視見其面目
如藍形體惟皮束骨聲啞無音咳嗽氣促兩汗淋
漓四肢搐掣逆證全具毫無生機因不忍釋手詳
爲審視惟兩目神光尙存予曰生機或在是乎遂
以大參一枝天員五粒蒸湯與服初服小半予爲
抱之環步室中審其呼吸之息氣雖未減而亦不
見其增卽與服完良人覺氣稍順予喜曰得之矣
遂用大參二錢天員肉七粒蒸湯服之竟獲大效
是夜汗搐俱止喘嗽畧亦輕減第苦於人小體弱

卽二錢之參湯亦須一夜方能服完幸予此時行功習靜數載未嘗設榻終夕無眠竟與抱之晝夜不一釋手醒卽予服服後仍睡數日之後則鼾聲如雷睡眠極穩呼吸極長予知爲氣復神歸之效如此者十晝夜諸證已愈八九惟形色未復音聲未亮予曰功程雖半未敢暫停參須倍之於是每日大參四錢天員十四如前調理計前後二十晝夜共用官揀六兩有零始奏全績於是聲音清亮面色紅融肌肉復生精神勝舊今已長成儼然矣

丈夫矣、而且聰明特達、經史皆通、他日翺翔奚能
限量、如此之證、如此之治、不特世人未見、醫家未
聞、卽諸書亦所未載、半週孔子而用六兩之參、起
沉痾於萬難之日、苟無定識者、未必有成、故非懇
同道、但須認證真確、不必拘泥古方、神而明之、存
乎人耳、

或問二證皆百晷嗽、何以前證用藥、而後證獨用
參者何也、曰各有理焉、前證在七月間、正肺金旺
時、爲風邪衝併、但傷其中氣、他臟無涉、故以四君

子補脾生脈散保肺收其耗散之金得返清肅之
令中氣一回應手而愈後證自七月起至十一月
金已退氣正當水旺木相之時由腎水無源所以
肝木失養誠母病子傷故面目俱青手足搐掣此
非肝強實肝敗也內經有善則不見惡則見之之
言顯然可證在常俗之輩見其搐掣又必爲之鎮
驚化痰截風定搐矣誰復爲之保固真元維持竭
絕哉不知此等之證陰陽兩敗臟腑俱傷苟非大
力之品莫可挽回所以屏去雜藥獨用人參之甘

溫天圓之甘潤味極純正創之兒喜況人參之力
在陰益陰在陽益陽榮衛氣血精神意智無不補
者而且晝夜不徹則真元陰受其長養之功烏得
不效又曰初服卽效而必待三七之日始奏全績
者何也曰剋削過傷枯燥已極如旱苗焦壤暴雨
無裨必淙淙潤澤始可盈科至於三七之人天地
來復之機業已三至人身榮衛已周一千五十度
升降有恒神氣已足不藥之慶夫復何疑此等之
治非謂世之嬰兒一有咳嗽便當用參第稟受先

虧胎元怯弱者有不得不用之勢獨惜前醫偏執已見卽數分之參斷不肯用孰知用至六兩之多始收全效可見辨證不真誤人非淺故筆此以爲擇醫者勸

○咳嗽簡便方

小兒咳嗽聲不出者紫苑微炒研末杏仁去皮尖研如泥等分煉蜜爲丸芡實大每服一九北五味七粒煎湯化服

肺實咳嗽痰喘葶藶子隔紙炒爲末棗肉爲丸龍眼

核大每一丸白湯化服、

咳嗽多痰葶藶子隔紙炒、知母微炒各五錢研末砂糖爲丸芡實大每一丸白湯化下、

小兒喘嗽發熱自汗吐紅脈虛無力人參切片焙乾天花粉切片酒炒等分爲末每服五分蜜湯調服以瘥爲度、

秋天肺燥咳嗽無痰北沙參一味每服五錢淨水濃煎熱服、

小兒百晬嗽痰壅喘咳用貝母五錢淡薑湯潤濕飯

上蒸過甘草半生半炒二錢五分研細末沙糖爲丸龍眼核大每一丸米飲化服、

熱痰咳嗽痰出稠濃或咽喉痛製南星製半夏各三錢半枯黃芩七錢焙燥爲末砂糖爲丸芡實大每用一丸薑湯化服、

○哮喘證治

經曰犯賊風虛邪者陽受之陽受之則入六府入六府則身熱不得臥上爲喘呼又曰肺病者喘欬逆氣肩背痛汗出○夫喘者惡候也肺金清肅之令

不能下行故上逆而爲喘經曰諸氣牘鬱皆屬於肺喘者肺之牘鬱也

吼者喉中如拽鋸若水鷄聲者是也喘者氣促而連屬不能以息者是也故吼以聲嚮言喘以氣息名凡喉如水鷄聲者爲實喉如鼾聲者爲虛雖由於痰火內鬱風寒外束而治之者不可不分虛實也有因外感而得者必惡寒發熱面赤唇紅鼻息不利清便自調邪在表也宜發散之五虎湯

有因熱而得者必口燥咽乾大小便不利宜葶藶丸

微下之

有因宿食而得者必痰涎壅盛喘息有聲先用山楂神麴麥芽各三錢煎湯與服消其食次下絳湯

素有哮喘之疾遇天寒暄不時犯則連綿不止發過自愈不須上方於未發時可預防之有一發即能吐痰者宜服補腎地黃丸加五味故肺多服自愈有發而不吐痰者宜痰喘方

凡哮喘初發宜服蘇陳九寶湯蓋哮喘爲頑痰閉塞非麻黃不足以開其肺竅放胆用之百發百中

或胸膈積熱心火凌肺熱痰壅盛忽然大喘者名馬
脾風蓋心爲午火屬馬言心脾有風熱也小兒此
證最多不急治必死用牛黃奪命散下之效

凡大病久病之後或久服寒涼剋削之後或久吐久
瀉之後忽然氣急似喘非喘氣息短促名爲短氣
短者斷之基氣將脫也速宜挽救人參五味子湯
效

又有虛敗之證忽然張口大喘入少出多而氣息往
來無滯此腎不納氣浮散於外大瀉之兆速投貞

元飲不效理陰煎加人參鹿茸或可挽救

如汗出如油髮潤而喘者肺絕也汗出如油張口大喘者命絕也直視謔語而喘者肝絕也凡太病正氣欲絕無根脫氣上衝必大喘而絕矣

○入方

五虎湯

治寒邪入肺而作鼾齁蓋鼾齁爲寒痰固結非此方不能解散

淨麻黃七分

光杏仁一錢

陳細茶一錢

熟石膏五錢

炙甘草四分

淨水煎空心服

葶蘆丸

方見三卷咳嗽門

千緡湯

治痰閉肺竅喘息有聲

法半夏二錢

大皂角五分

老生薑一錢

炙甘草一錢

水煎服 已上皆素無哮喘而暴發者用

補腎地黃丸

治先天不足肝腎虛者通用

熟地黃 懷山藥 山萸肉各一兩 嫩鹿茸

淮牛膝各二兩 粉丹皮 白雲苓 宜澤瀉各一兩

北五味 補骨脂各一兩

右爲末蜜丸菉豆大每服三錢淡鹽湯空心下

痰喘方

治哮喘無痰者蓋痰入於肺竅不能出故也

官揀參 製南星 製半夏 瓜蒌霜 香付米

皂角灰 真廣皮炒 蘿蔔子炒 俱等分

其爲末薑汁煮神麴糊丸麻子大每服一錢薑湯

化下

蘇沉九寶湯

治風寒閉肺而作哮喘

淨麻黃

紅雲皮

南薄荷

各五分

青化桂

取心

紫蘇葉

桑白皮

大腹皮

光杏仁

各四分

炙甘草

六分

生薑三片水煎臨服加薑便少許冲服

牛黃奪命散

細切
皮即陳

治胸膈有痰肺脹大喘

黑牽牛

半生半炒取頭末五錢

錦莊黃

酒潤晒干

陳枳殼

麩炒各一兩

右爲細末每服一錢五分白湯調下量兒大小加減臨服加蜜數匙以氣平爲度

人參五味子湯

方見三卷咳嗽門

貞元飲

景岳新方

治氣短似喘呼吸急促提不能升噦不能降勢甚

垂危常人但知爲氣急其病在上而不知元海無根肝腎已敗此子午不交氣脫證也

大熟地

錢五

白當歸

錢三

炙甘草

錢一

水煎熱服

如兼嘔惡或惡寒者加煨薑五片氣

虛脈微至極者速加人參如肝腎陰虛手足厥冷

加肉桂一錢

理陰煎

景岳新方

治腎肝虧敗不能納氣浮散作喘

大熟地

錢三

白當歸

錢二

炮薑灰

錢五

炙甘草

錢一

手足冷者加熟附子一錢青化桂一錢

水二鍾煎七分熱服

○哮喘簡便方

治痰氣壅塞雪梨汁一杯生薑汁四分之一蜂蜜半杯薄荷細末一兩和勻器盛重湯煮一時之久任意與食降痰如奔馬

化痰丸絲瓜燒存性爲細末棗肉爲丸如彈子大每服一九薑湯化下化痰最捷兼能止嗽

墜痰丸治一切風痰濕痰老痰痰火胸痞滿氣壅塞

黑牽牛四兩炒止取頭末一兩大皂角去皮弦及
子酥炙黃四錢生白礬三錢共爲細末米糊丸每
服一錢兒稍大者二錢空心薑湯服痰涎從大便
出久病之人五日十日一服病緩者半月一服

治醋瘡成吼用甘草二兩去赤皮每段切二寸長兩
半劈開用豬膽二枚取汁浸甘草三日取起火上
炙乾爲末蜜丸棗豆大每晚臨卧服二錢茶湯送
神效

哮喘久不止不拘老小一服卽止并治小兒奶噪石

明按
此
明按
此

膏半夏瓜蒌仁陳皮黃麻各一錢五分枳實杏仁
各一錢甘草七分生薑五片水煎熱服

清金丹治一切吼疾或痰或食遇厚味卽發者尤妙
蘿蔔子蒸熟晒乾爲末猪牙皂燒存性等分共爲
細末薑汁打麪糊丸菜豆大每服一二十丸薑湯
送下

○諸疳證治

夫疳之爲病亦小兒惡候十六歲以前其病爲疳十
六歲以下其病爲癆皆真元怯弱氣血虛衰之所

致也、究其病源、莫不由於脾胃、蓋胃者水穀之海也、水穀之精氣爲榮、悍氣爲衛、榮衛豐盈、灌溉諸臟、凡人身克皮毛、肥腠理者氣也、潤皮膚美顏色者血也、所以水穀素強者無病、水穀減少者病、水去穀亡則死矣、凡病疴而形不魁者氣衰也、色不華者血弱也、氣衰血弱、知其脾胃必傷、有因幼少乳食腸胃未堅、食物太早、耗傷真氣而成者、有因甘肥肆進、飲食過食、積滯日人、面黃肌削而成者、有因乳母寒熱不調、或喜怒房勞之後、乳哺而成

者有二三歲後穀肉菓菜恣其飲啖因而停滯中
焦食人成積積人成疳復有因取積太過耗損胃
氣或因大病之後吐瀉瘧痢乳食減少以致脾胃
失養二者雖所因不同然皆總歸於虛也其證頭
皮光急毛髮焦稀腮縮鼻乾口饒唇白兩眼昏爛
揉眉擦鼻脊聳體黃闌牙咬甲焦渴自汗尿白瀉
酸肚脹腸鳴癖結潮熱酷嗜瓜果鹹炭水泥者皆
其候也然治寒以溫治熱以涼此用藥之常法殊
不知疳之爲病皆虛所致卽熱者亦虛中之熱寒

者亦虛中之寒積者亦虛中之積故治積不可驟
改治寒不宜峻溫治熱不可過涼雖積爲疳之母
而治疳必先於去積然遇極虛者而迅攻之則積
未去而疳危矣故壯者先去積而後扶胃氣衰者
先扶胃氣而後消之書曰壯人無積虛則有之可
見虛爲積之本積反爲虛之標也如惡食滑瀉乳
食直下牙齦黑爛頭項軟倒四肢厥冷下痢腫脹
面色如銀肚硬如石肌肉青黑肛門如筒口吐黑
血吐利蛔蟲並爲不治

一初病者以集聖丸爲主人病者但以肥兒丸調之、
以補爲消可也、

凡疳之初起者集聖丸爲主方其有五臟兼證從權
加減不必多求方法、

○入方

集聖丸

治冷熱新久一切疳證以此爲主、

真蘆薈

酒蒸

五靈脂

炒

夜明砂

炒

真廣皮

酒炒

杭青皮

醋炒

蓬莪朮

煨

使君肉

炒

南木香

屑

白當歸炒

正川芎

酒炒已上
俱各二錢

官揀參

三錢切
片焙乾

正川連

姜製

乾蟾蜍

酥炙俱
三錢

西砂仁

酒炒
二錢

右爲細末、用公猪膽一枚取汁、將前末和勻、粟米糊丸、龍眼核大、每服一九、米飲調下。

○各證加減法

一病有咬牙、舒舌、舌上生瘡、愛飲冷水、唇紅、面自喜、伏地臥、此心疳也。本方去莖、蓮砂仁、青皮、陳皮、川芎、木香、六味、加生地、茯苓、膽星、各二錢、朱砂、甘草、各一錢。

一面青目生白膜泄瀉夾水或青色此肝疳也本方
去莢遮砂仁陳皮木香四味加膽草槐仁防風天
麻蟬蛻各二錢青黛一錢五分

瘦食泥土冷物飲食無度身面俱黃髮稀作穗頭
大項小腹脹脚弱間或泄瀉肌瘦晝涼夜熱不思
乳食此脾疳也專用本方

一鼻下赤爛手足枯細口中腥臭或作喘嗽右腮晃
白此肺疳也本方去莢遮砂仁青皮川芎木香五
味加桑皮桔梗蘇葉阿膠炙草各二錢外用澤蘭

葉銅綠輕粉等分爲末貼爛處、

一兩耳內外生瘰脚如鶴膝頭縫不合或齒縫臭爛
變成走馬疳此腎疳也、本方去莪蓮砂仁青皮陳
皮木香靈脂六味、加熟地茯苓山藥萸肉各三錢
丹皮澤瀉各二錢

一食積人而成疳其證形瘦腹脹時發潮熱羞見生
人見之則哭本方去蘆薈靈脂二味加人參黃耆
白朮茯苓半夏枳實厚樸炙草神麴麥芽醬甲三
稜各二錢、

一人泄不止、胃虛成疳、此疳瀉也、本方去蘆薈、蒼朮、蓮
靈脂三味、加白朮、茯苓、肉苁蓉、柯子各二錢、加人參
三錢、

一人痢不止、胃虛成疳、此疳痢也、本方去蘆薈、蒼朮、
青皮、靈脂四味、加柯子肉、建連肉各三錢、

一癰人未已、胃虛成疳、此必有癰、謂之疳癰、本方去
蘆薈、蒼朮、靈脂二味、加黃耆、白朮、柴胡、半夏、神麴三稜
各二錢、倍人參三錢、

一腦疳、皮毛光急、滿頭瘡、餅腦熱如火、髮結如穗、遍

身多汗、腮腫、顙高、令兒眼痛、其病在肝、本方去莢
蘼砂仁、青皮、陳皮、五味、加膽草、川芎、升麻、羌活、防
風、各二錢、

一、脊癰、蟲食脊骨、如鋸齒、或十指皆瘡、類螭指甲、宜
背如鼓、鳴脊骨、如鋸齒、或十指皆瘡、類螭指甲、宜
安蟲丸、蓋五疳、或有停食、成積、積人生蟲、或如絲
髮如馬尾、多出於頭項、背腹之間、蟲色黃白赤者
可治、青黑者難治也、安蟲丸、卽本方去莢、蘼砂仁
青皮、陳皮、當歸、川芎、六味、加苦練根、白皮、買衆蕪

黃檗柳各二錢名安蟲丸

一蛔疳、鰓眉多哭、嘔吐清沫、腹中乍痛、痛時腹中結聚成塊、摸之梗起、滿肚青筋、唇口紫黑、腸頭、齒、瘰者是也、蛔從口鼻出者難治、宜安蟲丸、即上方、
一丁奚疳、手足極細、項小、骨高、尻削、體瘦、腹大、臍突、號叫、胸膈者是也、集聖丸本方

一哺露疳、虛熱往來、頭骨分開、翻食吐蟲、煩燥、嘔噦者是也、集聖丸本方

一無辜疳、因浣衣、夜露被無辜鳥落毛所汚、小兒服

之身體發熱日漸黃瘦腦後項邊有核如彈丸按之隨動軟而不痛其中有蟲如米粉宜刺破其核以膏藥貼之內以本方去莪朮砂仁靈脂三味加黃耆鱉甲檳榔各二錢、

一疳熱由於胃脾虛弱陽浮於外氣不歸元只以補脾爲主使陽氣收斂熱自退矣用參苓白朮散多服爲妙或兼脾陰虛者間服六味地黃丸、
一疳渴由胃氣下順津液不生故也宜補其胃使清陽上升津液漸生渴自止矣七味白朮散、

一走馬疳蟲病也齒屬腎腎主虛纔受熱邪直奔上
焦初起口臭名曰臭息次則齒黑名曰崩砂甚則
齒爛名曰潰檀有血迸出名曰宜露甚至齒皆脫
落名曰腐根縱得全活齒不復生外證腦熱肌瘦
手足如冰寒熱時有滑泄肚痛口臭乾渴齒齦破
爛灰甲薰黑身多瘡疥痘疹之後多有此證不可
救治毒歸於腎故也初起者清胃散另有治法在
齒牙本門

魛病兒將週歲母復有娠兒飲其乳謂之魛

音乳

以成此證。或有母患別病。兒飲其乳。以類母病者。有之。蓋母之血氣若調。乳則長養精神。血氣一病。乳則反爲病根。母既妊娠。精華下蔭。衝任之脈。不能上行。氣則壅而爲熱。血則鬱而爲毒。小兒神氣未全。易於感動。其候寒熱時作。微微下利。毛髮鬖鬖。意殊不悅。甚則面色痿黃。腹脹青筋。瀉青多吐。日漸羸。羸竟成疳證。俗以孕在胎中。因兒飲乳。其魄識嫉。而致兒病。故謂之胎妬龍膽湯。

一骨蒸之病。多起於胃。其始也。邪火上冲。而能啖火。

消燦而善饑、蓋胃爲氣血之源、氣血不足、邪火殺
穀、水穀之精氣不足、濟之漸成、口穢煩燥、夜熱、
涼毛焦、口渴、氣促盜汗、形如骨立、謂之消癯。若大
便日十餘行、肢瘦腹大、類食多饑、謂之食併。此皆
邪火爲害、耗傷津液而致者。大肥兒丸。

○入方

參苓白朮散

治脾胃虛弱、飲食不進、或嘔吐瀉痢、及大病之後
補救脾胃、此方爲神。

官揀參切焙

漂白朮土炒

白雲苓乳蒸

懷山藥炒各

一兩五錢

芽枯梗焙

薏苡仁炒

建連肉去心

炙甘草各一兩

共爲細末每服一二錢薑棗湯調服

六味地黃丸

方見二卷胎疾門

七味白朮散

方見三卷泄瀉門

清胃散

治走馬牙疳

雅黃連 白當歸 綠升麻 懷生地 粉丹皮

白芷稍等 北細辛減半

淨水煎滾熱服

龍膽湯

治小兒魘病

草龍膽 鈎藤鈎 北柴胡 芡桔梗 赤芍藥

正川芎 官揀參 白雲苓各一錢 炙甘草五分

井水煎服外以夜明砂不拘多少以紅紗作一小

袋盛之、繫兒胸前、

大肥兒丸、

治小兒脾胃虛弱泄瀉骨蒸、

官揀參切焙

山楂肉炒

漂白木土炒

真廣皮炒

蓬莪朮炒

川厚樸薑製

六丁麴炒

雅州連薑製

胡黃連炒

杭青皮醋炒

白雲苓乳蒸

杭白芍酒炒

地骨皮酒炒

宜澤瀉炒

肉豆蔻煨

尖檳榔

正川芎炒

北柴胡酒炒

史君肉炒

乾蟾蜍煨

炙甘草各五錢

五穀蟲一兩

共為末、煉蜜為丸、彈子大、米飲化下

加減肥兒丸

治一切人病成疳、總歸虛處、不可以前法治之、只宜以此丸人服、以補為消、無不愈者

官揀參

切焙

嫩黃耆

蜜炙

漂白朮

土炒

白雲苓

乳蒸

廣陳皮

酒炒

杭青皮

醋炒

白歸身

酒洗

大鱉甲

醋炙

正川連

薑製

南木香

屑

使君肉

炒

乾蟾蜍

酥炙

炙甘草

各等分

右為細末、另以山藥打糊為丸、量兒大小加減、日

日服之以米湯調下病愈藥停

○疳證簡便方

小兒疳積肚大黃瘦骨立頭上瘡痂髮如麥穗用乾
蟾蜍三五隻去四足以香油塗之炙焦爲末蒸黑
棗去核取肉搗碎和蟾末爲丸龍眼核大每日三
服積垢自下多服之形容自變其病如失

又方買天漿蟲四兩洗極淨曬乾微炒爲末煎甘草
細末五錢米糊爲丸彈子大每服一九米飲下

小兒諸疳日久身肉生瘡爛成孔口如大人楊梅瘡

樣用蒸糯米飯時，既盡四邊，滴下氣水，以碗盛取，掃瘡上，數日即效。百藥不驗者，此方如神。

疳蝕口鼻，用蜚蛆洗漂極淨，曬乾微炒爲末，褸衣燒灰，減半，共研勻，頻吹口內，效。

小兒口疳，破爛人中白，煨過，厚黃、蜜炙焦，二味等分，少加冰片，共研末，以鹽茶洗口，後以藥搽之。

走馬牙疳，及齒齦腐爛黑臭者，用溺壺內多年積垢，名人中白、煨紅一兩，兒茶五錢，黃檗、薄荷、青黛各一錢，冰片三分，共研細末，先以溫水漱口，然後吹

藥於疳上每日六七次吹藥之時涎從外流者爲吉涎收向內者毒入裏也不治

牙疳鼻疳人中白煨一錢五分毛褐灰枯白礬各一錢爲細末濕者乾搽乾者先以香油潤濕然後搽藥

急疳蝕爛口鼻欲死海中紫貝子煨過俗名南蛇牙齒又名研螺嶺南稱狗交螺者是也炭火煨過爲末臘猪油調塗

牙疳潰爛穿唇破舌併治口瘡胡黃連五分膽礬兒

茶各一錢五分其爲細末搽之

○嘔吐證治

經曰諸逆衝上皆屬於火諸嘔吐酸皆屬於熱又曰
寒氣客於腸胃厥逆上出故痛而嘔○夫嘔吐者
陽明胃氣下行則順今逆而上行故作嘔吐其證
有聲有物謂之嘔有物無聲謂之吐有聲無物謂
之噦又曰乾嘔人病見此者死蓋小兒嘔吐有寒
有熱有傷食然寒吐熱吐未有不因於傷食者其
病總屬於胃復有溢乳嘔乳嘔噦皆與嘔吐相似

而不可以嘔吐治之更有寒熱拒隔之證又有蟲
痛而吐者皆當詳其證而治之凡治小兒嘔吐先
宜節其乳食節者減少之謂也凡嘔吐多渴不可
與之茶水水入復吐終不能止必強忍一二時久
而後以米湯與之吐自止矣

寒吐者乳片不消多吐而少出面白眼慢氣緩神昏
額上汗出脈息沉微宜溫中消食輕者藿香正氣
散不止理中湯加藿香又不止參香散再若不止
此陰盛格陽謂之拒格急以理中湯一劑用公猪

膽汁和童便少許將藥潤濕炒熟煎服。經熱因寒用之法也。蓋陰寒太過陽熱之藥拒而不納故以猪膽童便爲鄉導其始則同其終則異下咽之後陰體漸消陽氣乃發也。

熱吐者面赤唇紅吐次少而出物多乳片已消色黃遍身發熱而煩躁夏月多此證宜五苓散加藿香不止藿連湯再不止用理中湯煎熟調六一散冷服卽止此寒因熱用也。

傷食吐者眼胞浮腫面色微黃足冷其熱日輕夜重

或吐酸酸之氣或吐黃水或吐青痰其脈弦實而滑此有宿食也宜下去其積乃止消積丸

傷乳吐者纔乳卽吐或少停而吐此因乳食無度脾胃嬌嫩不能運化此滿則噎也各噎乳但宜節其乳則吐自止

覘乳者時時吐乳而不多似吐非吐皆胃虛所致也宜參香散

有乳多而吐出者非真吐也苟不知禁卽成真吐也百日內小兒多有之蓋身小身軟必待乳母擁抱

之苟有傾側乳卽溢出此人事也不須用治

嗽吐者兒有咳嗽必待其嗽定方可與乳若嗽未定以乳哺之其氣必逆乳不消化而爲痰痰氣壅塞嗽不得轉而吐乳也枳梗二陳湯、

小兒初生三日內吐乳者用丁香三粒陳皮三分生薑三片煎服自止又不若煨薑湯更妙此予用最多者蓋三四日內總皆寒吐也

初起哕乳卽當調治如哕不已卽成吐吐不已卽成嘔嘔不已卽成噦至此胃氣太虛精神漸脫矣若

嘔吐不已、目漸沉困、顙陷、顙腫、青筋大露者、併頻
吐不食、昏沉語塞、喘急大熱、常吐腥臭者、皆死、
噦者有聲無物、最惡之候、凡久病之後、而見此者、皆
爲不治。

予按爲醫者、臨診治病、貴能體貼病情、能用心法、大
凡嘔吐不納藥食者、最難治療、蓋藥入卽吐、安能
有功、又切不可強灌、胃口愈吐愈翻、萬不能止、予
之治此、頗多、先將薑湯和黃土、作二泥丸、塞其兩
鼻、使之不聞藥氣、然後用對證之藥、煎好、斟出澄

清冷熱得中止服一口卽停之半時之久再服一口又停之良久服二口停之少頃則任服不吐矣斯時胃口已安焉能得吐愚人不知明見其吐藥不納偏以整杯整碗強灌之則一吐傾囊而出又何藥力之可恃乎此等之法不但幼科可用卽方脈亦當識此倘臨證不體病情全無心法卽如嘔吐一證雖能識病雖能用藥其如不納何哉

○入方

藿香正氣散

方見二卷類摘門

理中湯

方見二卷乳子傷寒門

參香散

治小兒胃虛作吐諸藥不止

官揀參

切焙

上沉香

銼末

公丁香

研

藿香梗

焙

南木香

銼屑

已上俱等分

共爲細末每服五七分木瓜煎湯調服

五苓散

方見二卷中暑門此加藿香

藿連湯

治小兒熱吐不止

真雅連

七分薑汁炒

紫厚樸

一錢薑汁炒

藿香葉

一錢

生薑三片大棗三枚水煎熱服

六一散

方見三卷痢疾簡便方

消積丸

治食停胃口而作吐

西砂仁十二箇
酒炒

公丁香九粒

烏梅肉三箇蒸去
核取淨肉

巴豆仁二粒煨
搗去油

共研細末、米糊爲丸、菜豆大、每服三丸、白湯送、

枳桔二陳湯

治小兒胸膈有痰、咳嗽作吐、

陳枳殼一錢

芽桔梗一錢

白雲苓五錢

法半夏一錢

真廣皮一錢

炙甘草五分

生薑三片、大棗三枚、水煎熱服、

○嘔吐簡便方

小兒嘔吐外證不熱不渴面白唇淡神慢氣怯寒吐
也用生薑一大塊直切薄片勿令折斷層層摻鹽
以苧麻緊貼外用草紙七層包之水濕慢火煨令
熟取起去麻紙將薑搗爛和早米煎湯服立止
小兒卒嘔不止生薑取自然汁一盞煎滾聽用 蜂
蜜四兩煉熟聽用每服用薑汁一匙蜜二匙白湯
調服每日五六次效

小兒胃熱嘔吐外證面赤煩燥身熱作渴手足心熱
者熱吐也黃連一錢薑汁炒熟石膏一錢共爲細

末每服一錢白湯調下吐止止後服

又方用枇杷葉火上炙之刷淨毛每用葉三片煎湯熱服立止

小兒乾嘔極惡之證用甘蔗取汁聽用 生薑取汁聽用 臨服用蔗汁六匙薑汁二匙和勻溫熱服不用湯水調

凡嘔吐服藥不納者內有蛔蟲在膈間蛔聞藥氣則動動則藥出而蟲不出但於嘔吐藥中加入川椒十四粒則不吐矣蓋蛔得椒則伏矣

治小兒一切吐逆不拘冷熱及人吐諸藥不效者用
硫黃五錢水銀一錢同研至不見星薑汁打米糊
爲丸小豆大三歲者三九大人則三四十九以陰
陽水送下 此二味加增分兩入陽城礮內封固
以炭火升煉之卽是靈砂爲仙家所用之物最能
升降陰陽交濟水火乃扶危濟困之神丹也

○泄瀉證治

經曰水穀之寒熱感則害人六腑又曰虛邪之中人
也留而不去傳舍於腸胃多寒則腸鳴飧泄食不

化多熱則溏出糜○夫泄瀉之本無不由於脾胃
蓋胃爲水穀之海而脾主運化使脾健胃和則水
穀腐化而爲氣血以行榮衛若飲食失節寒溫不
調以致脾胃受傷則水反爲濕穀反爲滯精華之
氣不能輸化乃致合污下降而泄瀉作矣、

凡泄瀉腸鳴腹不痛者是濕宜燥滲之飲食入胃不
化或完穀不化者是氣虛宜溫補之腹痛腸鳴瀉
水痛一陣瀉一陣者是大宜清利之時瀉時止或
多或少是痰積宜豁之腹痛甚而瀉瀉後痛減者

爲食積宜消之體實者下之如脾泄已久大腸不
禁者宜澁之元氣下陷者升提之

泄瀉有五寒熱虛實食積也但宜分別所瀉之色凡
暴注下迫屬火水液澄清屬寒老黃色屬心脾肺
實熱宜清解淡黃色屬虛熱宜調補青色屬寒宜
溫白色屬脾虛宜補醬色屬濕氣宜燥濕酸酸氣
屬傷食宜消

脾土虛寒作瀉所下白色或穀食不化或水液澄清
其候神疲唇口舌俱白色口氣溫熱宜理中湯或

六君子湯

熱證作瀉瀉時暴注下迫謂其出物多而迅速也便黃溺赤口氣蒸手煩渴少食宜五苓散加梔仁有傷食及滯瀉者其候口噤酸氣吞酸腹脹一痛卽瀉一瀉痛減保和丸消之

如食已消痛已止而猶泄瀉不止者乃脾失清升之氣氣虛下陷補中益氣湯

有風瀉瀉而色青稠黏乃肝木乘脾宜六君子湯加防風柴胡白芍

有濕瀉腹內腸鳴肚不痛身體重而瀉水或兼風者
水穀混雜宜升陽除濕湯

凡大瀉作渴者其病不論新人皆用七味白朮散生
其津液凡痢疾作渴亦然蓋白朮散爲渴瀉之聖
藥倘渴甚者以之當茶水不時服之不可再以湯
水兼之則不效矣

人瀉不止多屬虛寒宜參苓白朮散加肉豆蔻煨熟
爲丸服之自止

人瀉未止將成疳者參苓白朮散加肉豆蔻煨倍加

懷山藥其爲末每日服之則泄瀉自止津液自生
不致成疔矣

經曰五虛者死一脈細二皮寒三少氣四泄瀉不止
五飲食不入五虛悉具者死能食者生

凡瀉不止精神好者脾敗也吐瀉而唇深紅者內
熱也色若不退者死面黑氣喘者死遺尿不禁
者腎氣絕也

○入方

理中湯

方見二卷乳子傷寒門

六君子湯

方見二卷類摘門

五苓散

方見二卷傷暑門此加梔仁

補中益氣湯

方見一卷保產門

升陽除濕湯

治風濕作瀉

綠升麻一錢

北柴胡一錢

六神麴一錢

北防風二錢

宜澤瀉一錢

結猪苓一錢

漂蒼朮五錢

真廣皮五錢

炙甘草五分

生薑三片大棗三枚水煎熱服若胃寒腸鳴加益

智子半夏各一錢

七味白朮散

治泄瀉津液下降煩燥大渴

官揀參一錢

漂白朮一錢

白雲苓一錢

南木香三分

藿香葉一錢

粉乾葛二錢

炙甘草五分

水煎當茶飲

此方治小兒陽明本虛陰陽不和吐瀉重下津液
煩渴口乾以參朮甘草之甘溫補胃和中木香藿
香辛溫以助脾茯苓甘淡分陰陽利水濕葛根甘
平倍於衆藥其氣輕浮鼓舞胃氣上行津液又解
肌熱治脾胃虛弱泄瀉之聖藥也兼治久瀉不止
口渴無度並痢疾口渴幼科之方獨推此爲第一
後賢宜留意焉

參朮白朮散

方見三卷疴證門

○泄瀉簡便方

治水瀉或飲食過度或飲冷水冒暑而發用生薑搗爛三錢陳細茶三錢濃煎湯飲立止蓋泄瀉由臟腑陰陽不和薑能和陰茶能和陽是以多效體素者加連子去心二錢

泄瀉因傷濕而起米穀不化不思飲食困弱無力用白朮土炒白茯苓各三錢水煎食前服腹痛者加炒白芍一錢炙甘草五分

泄瀉因於寒者腹痛手足冷用胡椒十四粒生薑三錢淡豆豉二錢煎湯熱服

泄瀉腹痛奇方用鷄蛋一枚將小頭打一小孔入胡椒七粒在內以紙封頂紙包煨熟酒送更效胡椒吞與不吞不拘

脾虛久瀉用白朮土炒山藥酒炒蓮肉去心蒸熟砂仁酒炒各一兩共爲細末以白砂糖二兩和勻每服一二錢米飲調下

又方用早米造飯鍋巴取四兩研末蓮子去心蒸晒

爲末四兩、白糖四兩、共和勻、每服二三錢、白湯調下、每日三服、

集成止瀉散治火瀉如神、此方經驗最多、用車前子以青鹽水炒七次、秤過二兩、白茯苓炒二兩、山藥炒二兩、炙甘草六錢、共爲細末、每服二三錢、炒米湯調、烏梅湯更好、其神方也、

○傷食證治

經曰、飲食自倍、腸胃乃傷、○東垣云、飲者無形之氣也、食者有形之血也、由此推之、乳爲血液飲之類、

也穀有糟粕食之類也乳之與食原非同類豈可不辨乎哉

凡小兒飲食傷脾之證非可一例而論有寒傷有熱傷有暫病有久病有虛證有實證但熱者暫者實者人皆易知而寒者久者虛者人多不識如今之小兒以生冷瓜果致傷胃氣而爲腹痛瀉利者人猶以爲火熱而治以寒涼是不識寒證也有偶因停滯而爲脹痛人皆知其實也然脾胃之素強者卽滯亦易化惟其不能化者則恒有脹滿之證又

或有不食亦知饑少食卽作脹或有無饑無飽全
不思食或因病有傷胃氣久不思食本非有餘之
證時醫遇此無論有餘不足鮮有不用開胃消導
之劑者是不知虛證也蓋脾胃原有運化之功用
今既不能化食則運用之職已失其權而尙可專
意剋削以益其困乎故凡欲治病必先藉胃氣以
爲行藥之主若胃氣强者攻之則去而疾常易愈
此以胃氣強而藥力易行也胃氣虛者攻亦不失
此非藥不去病以胃氣本弱攻之則益弱而藥力

愈不行，用愈傷病，亦愈甚矣。若乃體質貴賤，尤有不同。凡藜藿之兒，壯健之質，及新暴之病，自宜消伐，惟速去爲善。如以弱質弱病，而不顧虛實，槩施欲速攻治之法，則無有不危矣。

凡素喜冷食者，內必多熱；素喜熱食者，內必多寒。故內寒者，不喜寒；內熱者，不喜熱。然熱者嗜寒，多生中寒；寒者嗜熱，多生內熱。內經所謂入而增氣，物化之常，氣增而火天之由也。凡治病者，又當於素稟中察其嗜好偏勝之弊。

凡飲食致病傷於熱者多爲火證而停滯者少傷於寒者多爲停滯而全非火證大都飲食之傷必因於寒物者居多而溫平者次之熱者又次之蓋熱則易於腐化流通所以停滯者少

馮楚瞻曰凡小兒傷食皆由胃氣怯弱今時之醫以平胃散爲脾胃之準繩孰知平胃者胃中有高阜則使平之一平卽止不可過劑過則平地反成坎矣又不若枳實丸爲勝方爲繫古老人所製用枳實一兩白朮二兩補多於消先補而後消也但此

九原爲傷食者設。今若崙以爲補脾藥。又誤矣。夫
根實有推牆倒壁之功用。之不當能無尅削。卽如
山楂神麴麥芽。舉世所常用者。然山楂能化肉積。
凡多年母猪肉煮之不爛。但入山楂一搥。登時皮
肉卽糜。又產婦兒枕痛。以山楂煎服。兒枕立化。可
見其破滯之功。豈可輕用。麴麥者。以米飯在磁缸
中。必藉麴以釀酒。必藉藥以成糖。脾胃在人身中。
非磁缸比。原有化食之功。今食不化。因其所司者
病也。只補其運用之能。而食自化。何必用此消尅。

藥哉

大凡小兒原氣完固脾胃素強者多食不傷過時不
饑若兒先因本氣不足脾胃素弱者多食易傷如
攻伐一用飲食雖消而脾氣復經此一番消伐愈
虛其虛後日食復不化猶謂前藥已效湯丸疊進
展轉相害羸瘦日增良可悲矣故醫有貧賤之醫
有富貴之醫膏粱子弟與藜藿不同太平之民與
瘡痍自別鄉村里巷頑夫壯士暴有所傷攻伐之
劑一投可愈倘膏粱幼穉稟受怯弱嬌養柔脆一

例施之貽害不小矣

楚瞻曰人之脾胃雖能化食實由於水火二氣運用其間非脾胃之所專能也內火盛則脾胃燥水盛則脾胃濕皆不能健運乃生諸病如消渴證火偏盛而水不能水腫證水偏盛而火不能化惟制其偏而使之平則善矣制者非謂去水去火之意人身水火本自均平偏者病也火偏多者補水配火不必去火水偏多者補火配水不必去水譬之天平此重則彼輕一邊重者只補足輕之一邊夾不

鑿去馬子蓋馬子一定之數今人見水利水見火
瀉火是鑿馬子者也

小兒之病傷食最多故乳食停滯中焦不化而成病
者必發熱惡食或噎氣作酸或惡聞食氣或欲吐
不吐或吐山酸水或氣短痞悶或腹痛啼叫此皆
傷食之候也便宜損之損之者謂姑止之勿與食
也使其自運經謂傷之輕者損穀則愈矣損之不
減則用芎藭丸以調之調之不減則用保和丸以
導之導之不去則攻下之輕則木香檳榔丸重則

消積丸

傷食一證最關利害如遷延不治則成積成癖治之
不當則成疳成癆故小兒之強壯者脾胃素實特
其能食父母縱之以致太過停留不化此食傷脾
胃真傷食也可用前法治之如小兒之怯弱者脾
胃素虛所食原少或因畧加即停滯而不化此乃
脾虛不能消穀轉運遲耳非真傷食作傷食治則
誤矣惟宜六君子湯助其健運多服自愈

凡小兒脾胃實者倘縱其口腹不知節制則飲食自

傷腸胃乃傷而實者必致爲虛矣其體之虛怯者能節其飲食則腸胃不傷穀氣漸長而虛者終變爲實矣、

凡傷食吐瀉後則其所傷之物俱去只與和其胃氣或異功散或六神丸、

○入方

紫古枳實丸

治小兒傷食脾不運化以致面黃肚大此方補多消少誠爲傷食運化之良方

漂白朮

二兩黃土拌炒

小枳實

一兩酒炒

胃虛不思飲食者加

藿香葉

五錢焙

西砂仁

五錢酒炒

名香砂枳實丸

小兒體質肥白有痰者加

真廣皮

五錢酒炒

法半夏

五錢焙

名橘半枳實丸

右依炒製以鮮荷葉包飯煨熟去荷葉將飯同前

末搗勻爲丸極小每一二錢半饑白湯下

胃苓丸

方見二卷傷濕門

保和丸

治飲食停滯胸膈痞悶腹脹等證

六神麴

炒

真廣皮

炒

法半夏

白雲苓

炒各兩

京查肉

三兩

淨連翹

炒

蘿蔔子

炒各五錢

共爲細末煉蜜爲丸每服一二錢薑湯下

木香檳榔丸

治傷食消之不去以此下之

黑牽牛

炒取頭末五錢

尖檳榔

炒五錢

錦莊黃

五錢酒蒸晒乾

南木香

三錢

六神麴

炒一兩

土為細末薑汁打米糊為丸置兒大小加減用之
出亦不峻厲白湯送下

消積丸

方見三卷嘔吐門

六君子湯

方見二卷類搐門

異功散

專治脾胃虛弱吐瀉之後大病之後以此調理

官揀參切

漂白朮土炒

白雲苓乳蒸

真廣皮酒炒

炙甘草 俱等分

生薑大棗水煎服為末薑棗湯調服亦可

六神丸

與異功散主治同實脾之功勝之

官揀參 切焙 漂白朮 土炒 白雲苓 乳蒸 懷山藥 乳蒸

白扁豆 炒 炙甘草 等分

共為末煉蜜丸彈子大每服一九薑湯化下

○食積證治

經曰新積痛可移者易已也積不痛難已也○夫飲

發明按貼
當作散

食之積必用消導、消者散其積也、導者行其氣也、脾虛不運、則氣不流行、氣不流行、則停滯而爲積、或作瀉痢、或成癥痞、以致飲食減少、五臟無所資、稟血氣日愈虛衰、因致危困者多矣、故必消而導之、輕則和解常劑、重必峻下湯丸、蓋濁陰不降、則清陽不升、客垢不除、則真元不復、如勘定禍亂、然後可以致太平、若積因脾虛、不能健運、藥力者或消補並行、或補多消少、或先補後消、潔古所謂養正而積自除、故前人破滯削堅之藥、必假參朮贊

助成功經曰無致邪無失正絕人長命此之謂也
夫食者有形之物傷之則宜損其穀其次莫若消之
消之不去則攻之此治初傷乳食之法也倘治之
不早以致成積滯聚乃成積也其候面色黃白或
青黃腹大或緊食少腹痛發則數日不止而醫者
治積不問平日所傷之物是寒是熱并不察見之
形氣或虛或實可攻不可攻竟用偏寒偏熱峻下
之藥而犯虛虛之戒其害豈勝言哉如先傷熱乳
熱食者則爲熱積傷冷乳冷食者則爲冷積五穀

之類爲食積禽畜之類爲肉積菜菓之類爲冷積
故用藥宜分寒熱冷積應用消積丸熱積木香檳
榔丸仍用原傷之物作湯送之謂之遡源湯

凡用攻下取積之藥必先補其胃氣如六君之類預
服數劑扶其元神然後下之免傷胃氣也

如小兒體質素怯者雖有積必不宜下當以補爲消
六君子湯加莪朮木香共爲細末薑汁打神麴糊
丸每一二錢米湯下久服自消今兒稟受怯弱者
衆有積皆當識此攻積之藥慎勿輕用

○入方

消積丸

方見三卷嘔吐門

木香檳榔丸

方見三卷傷食門

六君奇湯

方見二卷類摘門此加莪朮木香

○食積簡便方

消積丸

消食消水消氣消痞消脹消腫消積其功甚捷惟人病虛羸者不宜用此比前消積丸藥力輕緩不甚峻厲

香附米

酒炒一兩

五靈脂

淘淨一兩

黑牽牛

炒取頭末二兩

共爲細末醋打麪糊丸菴豆大每服一二十九食遠薑湯送下

治傷冷食及難化之物用生薑紫蘇煎濃湯置浴盆內令患者乘熱坐湯內以手揉其腹胸以熱湯淋之氣通卽化矣

又方以生薑搗爛紫蘇搗爛炒熱布包熨胸腹如冷
再炒再熨神效

治傷食停積不消用白酒麴

即醱酒小麴炒二兩

老麥芽取

淨末一兩共爲細末每服二錢白湯調下治粽傷
及糯米所傷更妙

治飲食停滯飽悶不消以糯米一升炒熱以布包之
分作二包於臍腹上輪換熨之助其脾氣轉運也
立消

因食肉停滯不消用山查子三十粒搥碎煎濃湯飲

之自化

因食大肉成積不治則殺人用山查肉二十四粒杏仁去皮尖二十四粒煎濃湯飲自化

因食牛肉腹脹不消用乾稻草一把煎濃湯滾熱飲之自消

因麪食腹脹生薑搗汁冲好酒熱服即消又方以生蘿蔔取汁溫熱服神應凡食麪必用醋斷不作脹

因食菱角腹痛作脹生薑搗取自然汁以滾湯冲服

立消

因食瓜菓生冷太多以致腹脹氣急用真青化桂去
麤皮取肉研細末以飯搗和爲丸萊豆大小兒每
服五丸稍長者十九水送病愈藥停

凡小兒病醫認證不確錯用反藥或煩燥不寧或嘔
瀉不止欲與解去其藥用黑豆一杯甘草三錢煎
濃湯服之自解倘無黑豆萊豆亦好

○發熱證治

經曰陽勝則熱陰勝則寒重寒則熱重熱則寒寒傷

形熱傷氣又曰氣實者熱也○小兒之病多有發熱然幼科論證太繁來學眩目莫得其要予謂小兒之證惟宜明顯簡切有神於治療足矣今以小兒發熱分爲四大證一日表熱一日裏熱一日虛熱一日實熱表裏虛實旣明則大綱在手然後逐證辨認又豈能逃其水鑑乎

一小兒無故發熱多由外感風寒其證喜人懷抱畏縮惡風寒不欲露出頭面面帶慘色不渴清便自調吮乳口不熱或鼻塞流涕或噴嚏渾身拘急此

表熱也初起時一汗可解桂枝湯加柴胡粉葛熱服取微汗效若元氣怯弱者四君子湯加防風柴胡粉葛

一發熱時喜露頭面仰身臥揚手擲足揭去衣被渴

欲飲水

吮乳不休者口渴也

吮乳口渴熱小便赤大便閉此裏

熱也宜解利之導赤散煎送瀉青丸

一虛熱者多從大病之後或溫熱或潮熱

如潮沒有定期也

或渴或不渴大小便如常宜補之竹葉調元湯

一實熱者面赤腮燥鼻孔乾焦喜就冷或合面臥或

仰面臥露出手足揭去衣被大渴不分大小便秘
宜微下集成沆瀣丹

已上四熱爲綱其下雜證爲目有綱有目而猶不
能辨別者未之有也

傷風發熱其證自汗身熱呵欠目赤多睡惡風喘急
此因解換襦裳受風所致治宜解肌柴葛桂枝湯
熱退之後畧宜滋陰

傷寒發熱其證無汗身熱呵欠頓悶項急面赤喘急
惡寒口中氣熱此因脫換受寒所致治宜醒醒散

熱退後微服沆瀣丹以防內熱

既傷風寒發熱又兼吐瀉者不可發散此脾胃虛怯也但以五苓散煎送理中丸

傷熱發熱多在夏月其證身熱自汗作渴昏睡手足俱熱此因天氣過熱而包裹過厚受其熱也人參白虎湯以解其熱次以調元生脈散補之

傷暑發熱夏月有之其證身熱自汗作渴昏睡手足冷此由高堂廣廈陰冷太過中氣受傷所致先以調元生脈散補其氣次服四君子湯以防吐瀉

心熱者、渾身發熱、面青、目汗、心悸、不寧、脈數、煩躁、狂
叫、恍惚、此心熱也、導赤散加黃連、

夜熱者、夜間作熱、旦則退去、此血虛也、六味地黃湯
加龜板、當歸、白芍、斂納陰氣、

傷寒、無汗、服表藥而汗出、其熱不退、又復下之、熱仍
不退、乃表裏俱虛、氣不歸元、陽浮於外、此爲虛熱、
不可誤用寒涼、卽當和其胃氣、禪陽氣、收斂其熱、
自退、四君子湯加炮薑、

疳熱者、形色黃瘦、食不長肌、骨蒸盜汗、泄瀉無恒、肚

大脚小多起於大病之後失於將息又或傷饑食飽脾氣受傷六君子湯加當歸白芍

壯熱者一向熱而不已由氣血壅實五臟生熱鬱蒸於內則睡卧不安精神恍惚蒸發於外則表裏俱熱燥急喘急甚則搖擲以導赤散煎湯送瀉青丸大小便秘者集成沆瀣丹

煩熱者燥擾不安五心煩燥四肢溫壯小便赤澀此心經有熱宜導赤散加麥冬梔仁

積熱者面赤口瘡大小便黃赤此表裏俱實或因內

傷酒麪煎炒炙燻或誤投峻補之藥或外因厚棉
爐火溫暖過度皆能生熱此人事所致宜沆瀣丹
清解之

虛熱者或汗下太過津液枯焦或大病之後元氣受
傷皆能生熱其證困憊少力面色青白虛汗自出
神慢氣怯四肢軟弱手足厥冷此氣虛發厥血虛
發熱犬虛證也四君子湯加炮薑甚則加附子熱
退以平劑調之

客熱者乍有乍無熱邪干心則熱形於額故先起於

頭面而後身熱恍惚多恐聞聲則惕此正氣虛而
熱邪勝故邪正交爭發熱無定乍進乍退如客之
往來莫測也導赤散先徹其邪後以團參散護其
正氣

血熱者每日巳午時發熱過夜則涼此心經血熱也
輕則導赤散重則四順散

○入方

柴葛桂枝湯

治小兒傷風自汗發熱

嫩桂枝

錢一

杭白芍

錢五

北柴胡

錢一

粉乾葛

錢一

炙甘草

分八

老生薑

錢一

大紅棗

枝五

淨水濃煎熱服

惺惺散

方見二卷孔子傷寒門

集成沆瀣丹

方見一卷胎疾門

五苓散

方見二卷傷暑門

理中湯

方見二卷乳子傷寒門

人參白虎湯

方見二卷傷暑門

調元生脈散

治夏月傷熱發熱以此扶其元氣

官揀參

六分

炙黃耆

錢五

杭麥冬

錢一

北五味

五分

炙甘草

五分

生薑三片、大棗三枚、水煎溫服

四君子湯

方見三卷癰疾門

導赤散

方見四卷啼哭門

六味地黃湯

方見一卷胎疾門

六君子湯

方見二卷類搐門

瀉青丸

方見四卷啼哭門

團參散

方見二卷非搐門

四順清涼散

方見四卷腹痛門

○神奇外治法

疎表法

小兒發熱不拘風寒食飲時行痘疹並宜用之以
葱一握搗爛取汁少加麻油在內和勻指蘸葱油

摩運兒之五心頭、項背諸處，每處摩擦十數下，
運完以厚衣裹之，蒙其頭，畧疎微汗，但不可令其
大汗。此法最能疎通腠理，宣行經絡，使邪氣外出，
不致久羈榮衛，而又不傷正氣，誠良法也。

清裏法

小兒發熱至二三日，邪已入裏，或乳食停滯，內成
鬱熱，其候五心煩熱，睡卧不寧，口渴多啼，胸滿氣
急，面赤唇焦，大小便秘，此爲內熱。以鷄蛋一枚去
黃，取清以碗盛之，入麻油約與蛋清等，再加雄黃

細末一錢攪極勻復以婦女亂髮一團蘸染蛋清
於小兒胃口拍之寒天以火烘煖不可冷用自胸
口拍至臍輪止須拍半時之人仍以頭髮敷於胃
口以布帛之一炷香人取下不用一切諸熱皆能
退去蓋蛋清能滋陰退熱麻油雄黃拔毒涼肌故
也此身有熱者用之倘身無熱惟啼哭焦煩神志
不安者不必蛋清專以麻油雄黃亂髮拍之仍敷
胃口卽時安臥此法多救危險之證功難殫述

解煩法

曉明按水
粉即水銀
粉

凡小兒實熱之證及麻疹毒盛熱極其候面赤口
渴五心煩熱啼哭焦擾身熱如火上氣喘急揚手
擲足一時藥不能及用水粉一兩以鷄蛋清調勻
畧稀塗兒胃口及兩手掌心復以釀酒小麴十數
枚研爛熟酒和作二餅貼兩足心布帛之少頃其
熱散於四肢心內清涼不復啼擾

開閉法

凡小兒風痰閉塞昏沉不醒藥不能入甚至用艾
火灸之亦不知痛者蓋因痰塞其脾之大絡截其

陰陽升降之隧道也。原非死證。用生薑、蒲、生艾葉、生薑、生葱各一握，共入石臼內搗如泥，以麻油好醋同前四味炒熱，布包之。從頭項背胸四肢乘熱往下熨之。其痰一豁，倏然而醒。此方不特小兒凡閉證皆效。

引痰法

凡小兒痰嗽上氣喘急，有升無降，喉中牽鋸之聲，須引而下行。用生白礬一兩研末，少入麪粉、米粉亦可。蓋生礬見醋即化成水，入麪粉取其膠黏，故

也好醋和作二小餅貼兩足心有包之一宿其痰自下

煖痰法

凡小兒胸有寒痰不時昏絕醒則吐出如菜豆粉濃厚而帶青色此寒極之痰前法皆不能化惟以生附子一枚生薑一兩同搗爛炒熱布包熨背心及胸前熨完將薑附捻成一餅貼於胃口良人其痰自開

納氣法

凡小兒虛脫大證上氣喘急真氣浮散不得歸元
諸藥莫效用吳茱萸五分胡椒七粒五棱子一錢
研極細末酒和作餅封肚臍以帶蒂之其氣自順
通脈法

凡小兒忽爾手足厥冷此蓋表邪閉其經絡或風
痰阻其榮衛又或大病之後陽不布散於四肢速
用生薑煨熟搗汁半小杯畧入麻油調勻以指蘸
薑油摩兒手足從下礎擲擦振以通其經絡俟其
熱回以紙拭去之凡小兒指紋滯澀推之不動

急以此法推豁之。蓋此法不論陰陽虛實用之。皆效
定痛法

凡小兒胸中飽悶、臍腹疼痛、一時不能得藥用食、
鹽一硃、鍋內炒極熱、布包之、向胸腹從上熨下、蓋
鹽走血、分昆能軟堅、所以止痛。冷則又炒又熨、痛
定乃止。男婦氣痛、皆同此法。

已上九法、非古書所有、實予異授、心傳經驗、既人
神應無方、筆之於書、以公世用。

○治病端本澄源至要口訣、

凡臨病家診視小兒無論病之輕重證之順逆稍長者令其本身忌口乳子即令乳母忌口嚴禁葷酒油膩酸鹹辛辣但可香茶白飯稍用密餞饌食而已蓋乳房爲胃經所主飲食入胃腐化精微而爲榮血貯於衝脈衝脈載以上行遂變赤爲白而爲乳汁小兒賴此以爲命與乳母氣候相關吉凶其際是以母食熱子受熱母食寒子受寒母食毒子中毒又惟葷酒油膩甘肥凝滯之物爲尤甚故凡小兒有病但得乳母忌口即不藥亦能自愈不觀

窮鄉僻壤、藁糞單寒之家、所育之子、肥實壯健而
且少病、病亦易愈、人但云他人之子何以易育、不
知他家無甘肥凝膩、口腹清淡、所以病少而易育、
自家乳母縱口飲啖、葷酒不忌、醫雖用藥得法、其
如乳汁不清、胃口油滯、不能宣布藥力、所以多病
難醫也、此至緊至要關頭、醫者不爲切戒、其咎在
醫、至於病家、每多自誤、凡孔子有病、其母於房勞
食飲、寒暑喜怒、一毫不慎、惟責效於醫之草根樹
皮、詎知刀頭圭角、能勝其無情之相火、能制其有

質之油膩耶、徒令醫者勞心、病兒受苦、深可悲憫、復有婦人姑息之愛、切要提防、昔予一堂弟年八歲、因病傷寒、幾死、得遇明者保全、稍能步履、醫囑嚴忌葷腥、予伯母親面承諾、私以爛蹄花一碗與之、病人見肉、登時食盡、時予目覩其事、夜卽變證、四肢厥冷、口吐白沫、喉內痰鳴、兩目直視而絕、予伯與醫者驚惶無措、莫測其由、因詢曾食何物、伯母堅辭無有、微風不露、予亦莫敢直言、醫者無可下手、遂辭去、予取山楂肉炒研細末、以濃薑湯調

灌數次蓋山查多服最能通利五更大瀉數行所
下油膩膠滯之物內有精肉猶存人事倏清伯見
所下之物始知食肉生變痛冒其母幾至反目幸
予在側開解之令予調理予爲暢脾而安此等曖
昧苟非予之目擊伯母必不直告卽至真死彼亦
不言醫者亦不知其何以變證而死可見婦女悞
事爲禍如此其烈也凡類此者以天下之大又豈
特一人而已故凡遇膏粱宦室不可不諄切言之
以杜其姑息之害

小兒在胎之時，衝脈運血以養之。及其產下，衝脈載血以乳之，乳爲血化，所以兒之脾胃獨與此乳汁相脗合。其他則皆非所宜矣。凡小兒一週二歲止，可飲之以乳，切不可輔以穀食。蓋穀食有形之物，堅韌難消，兒之脾氣未強，不能運化，每多因食致病。倘乳少，必欲借穀食調養者，須以早米炒熟磨粉，微入白糖滾湯調服，不致停滯。至於肉食尤爲有害。凡小兒五歲之內，能忌肉食，終身無脾病。無柰愚夫愚婦，莫可理喻，見兒病稍愈，卽以肉食飼。

之謬云虛補不如實補謂藥補爲虛肉補爲實不知此語出於何經妄誕無知直堪唾罵及其脾胃凝滯兒病復作始爲倉惶懊悔是誰之咎故小兒病後必不可妄用葷腥只可素食調理或一月半月待其脾氣已健始可畧與清湯仍不得過用甘肥蓋甘肥之物非但不能益兒適足以致病醫者能知此意治病必不掣肘病家能依禁忌斷無反覆之虞此非摸擬之辭實知之深見之確端本澄源莫切乎此予雖末學臨證有年病家之弊無不

周知故不得不剖心相告庶後賢知所提備云

○痢疾證治

經曰飲食不節起居不時陰受之則入五臟填滿閉塞下爲殄泄久爲腸癖○夫殄泄者水穀不化也腸癖者下痢是也小兒之病傷食最多內有宿食停積更受外感則成痢矣古今方書以其閉滯不利故又謂之滯下其證裏急後重或垢或血或見五色或多紅紫或痛或不痛或嘔或不嘔或爲發熱或爲惡寒此證之陰陽虛實最宜詳審庶不致

設以當以脈證辨之凡身熱作渴脈數有力而能食者爲熱身涼不渴脈沉無力而不能食者爲寒初起腹中苦痛裏急後重者爲實宜急下之集成沉瀉丹集成三仙丹二藥同服立應

如兼外感者必身有寒熱不可遽下凡痢由外感而發者最多急宜發散若下之早必致引邪入裏而爲綿延之證以倉廩散疎解之

因傷風得之者則純下清血蓋風傷其陰絡致血不循經所以血妄下宜胃風湯

赤白相兼者心主血因傷熱得之則心移熱於小腸
故赤者從小腸來肺主氣因傷熱得之則肺移熱
於大腸故白者從大腸來皆以芍藥湯治之調血
則便膿愈行氣則後重除此治痢之要法也又法
以黃連阿膠丸加當歸木香治血痢於血中行氣
以胃苓丸加當歸白芍治白痢於氣中養血有積
者治痢保和丸

痢久不止名休息痢切不可止瀉和中丸最妙後有
集成至聖丹專治久痢百不失

有泄瀉變痢者有痢變泄瀉者先瀉後變痢者脾傳
腎也爲賊邪難治先痢後變瀉者腎傳脾也爲微
邪易治蓋初瀉變痢者此氣病傳入血中宜養血
爲主加調氣之藥不可誤下以傷胃氣初痢變瀉
者血病傳入氣中以調氣爲主加養血之藥不可
收瀉恐毒氣留而不去復成痢也瀉變痢者加味
四物湯痢變瀉者加味四君子湯

痢人不止脾胃受傷中氣下陷則爲脫肛熱毒上
逆則食入便吐不思乳食謂之禁口人痢陰傷

腎氣虛敗則兩膝紅腫謂之鶴膝

脫肛者胃氣下陷後重不除努掙太過故腸頭脫出
宜養血調氣微加升提之品則痢止肛自收矣升
麻湯外用洗注托法

禁口者乃胃虛逆氣上衝而吐也有不思飲食皆虛
損也宜參苓白朮散米湯調服凡痢疾能食者吉
不能食者凶

鶴膝者兩膝紅腫如鶴之膝小兒痢後多有此證乃
腎虛之極宜補腎地黃丸加半膝鹿茸

痢疾腹脹中氣虛也、胃苓丸調之、倘因毒氣未盡、而
流誤服瀉藥而致腹脹者爲實也、不可作虛治、保
和丸消導之、

痢疾不治證 痢見五色五臟俱敗 痢如煙塵水
如屋漏水 下痢人肛門如竹筒 如魚腥
人痢唇紅舌胎氣促心煩坐卧不安大渴飲水而
容似朱者皆死證也

○入方

集成沆瀣丹

方見一卷胎疾門

集成三仙丹

方見二卷類搐門

倉廩湯

卽人參敗毒散加陳倉米

方見二卷小兒傷風門

治傷風痢疾及時行疫痢大小相似者宜先服此
卽人參敗毒散加陳倉米煎服卽名倉廩湯喻嘉
言以此方爲治痢之聖藥無論新人必用此藥升
散之深得逆流挽舟之法也予每用之輕者三四

劑即愈矣不必另方重者服藥後外證悉去惟腹
痛裏急後重未除者以沈瀝丹三仙丹同服推去
積滯無不愈者蓋倉廩湯治痢與用四逆散治痢
同意後賢宜深究焉

胃風湯

治風冷客於腸胃泄下鮮血及腸胃濕毒下如豆
汁或下瘀血

官揀參

錢一

漂白朮

錢五

白雲苓

錢一

白當歸

錢一

正川芎

錢五

杭白芍

錢一

上桂心

錢五

陳粟米

撮

葦一片棗一枚水煎溫服

河澗芍藥湯

調血便膿愈行氣後重除此方是也

杭白芍

錢五

大當歸

錢一

雅川連

分五

實黃芩

分八

錦莊黃

分五

尖檳榔

錢一

南木香

分三

上桂心

分三

淨水濃煎熱服

黃連阿膠丸

治血痢於血中行氣

正雅連

錢一

東阿膠

錢二

白雲苓

錢一

當歸身

錢一

南木香一錢

共爲細末、水丸、每一二錢米飲下

胃苓丸

方見二卷傷暑門

治白痢於氣中養血、本方加當歸白芍白朮

治痢保和丸

治痢疾積滯未盡、或在先原未得下、今已脾虛、不可下者、宜服此、

廣陳皮 法半夏 白雲苓 陳枳殼 川厚樸

正雅連 京查肉 六神麴 老麥芽 已上諸味各一錢

南木香 尖檳榔 炙甘草 各五分

共爲細末另以神麴煮糊爲丸每一二錢米飲下

和中丸

治休息痢及疳痢

官揀參 炙甘草 當歸身 正川芎 車前子

結猪苓 宣澤瀉 六神麴 老麥芽 建連肉

已上各二錢 漂白朮 白雲苓 真廣皮 杭白芍

南木香 炮薑灰 肉苳蔻 各一錢

共爲細末酒煮麪糊丸每一二錢米飲下

加味四物湯

治先水瀉而變痢者

當歸身 正川芎 杭白芍 懷生地 白雲苓

正雅連 南木香

等分

水煎空心熱服

加味四君子

治先痢而變瀉者

上管揀 漂白朮 白雲苓 當歸身 杭白芍

炙甘草 各一錢

生薑三片、大棗三枚、水煎溫服、

升麻湯

治虛痢脫肛、仍調氣養血、微帶升提、

緣升麻 錢五 官揀參 漂白朮 白雲苓 芥穗

真廣皮 當歸身 杭白芍 北防風 已上各一錢

炙甘草 五分 肥烏梅 一粒

水煎食後服、

脫肛洗藥

五構子

錢五

白芒硝

錢一

荊芥穗

錢五

煎湯重洗仍以五構子研末敷之方以軟帛托入

參苓白朮散

方見三卷疳證門

補腎地黄丸

方見三卷哮喘門此加虎脰牛膝鹿茸

胃苓丸

方見二卷傷暑門

保和丸

方見三卷傷食門

○痢疾簡便方

治痢疾用乾馬齒莧煮爛紅痢以蜂蜜拌白痢以砂糖拌紅白相兼蜂蜜砂糖各半拌食一日二次連湯服之更妙 按馬齒莧名五方草其葉青梗赤根白花黃子黑五行俱備所以寒熱赤白皆治

六一散

此方取天一生水地六成之之義爲北方壬癸之精以其清暑毒去濕熱分陰陽利小便瀉丙水從

小水而出故爲治痢妙方

白滑石研細末以清水調飛其重濁滓質不用待其水清去水晒乾每滑石末六兩加甘草細末一兩研勻聽用

白痢用六一散七錢乾薑末七分 紅痢用六一散七錢紅麴末七分 各用薑汁打麴糊丸梧桐子大每服一二錢白湯下

人痢不止用紅糖白糖飭糖各三錢甘草一錢陳茶葉二錢同煎熟露一宿次早溫熱服神效

禁口痢不思飲食以臘猪肉去肉取骨鍋內煎濃湯
徐徐服之百發百中

治赤白相兼用山查肉不拘多少炒研爲末每服一
二錢紅痢蜜拌白痢紅砂糖拌紅白相兼蜜砂糖
各半拌勻白湯調服空心下更妙此藥不分虛實
不分久近皆效甚穩甚驗

集成至聖丹

新出

治冷痢久瀉百方無驗者一服卽痊凡痢之初起
實熱實積易知而易治惟虛人冷積致痢醫多不

以爲意益實熱之證外候有身熱煩燥唇焦口渴
肚疼窘迫裏急後重舌上黃胎六脈洪數證候既
急治者亦急輕則疎利之重則寒下之積去而和
其陰陽無不愈者至於虛人冷積致痢外無煩熱
燥擾內無肚腹急痛有赤白相兼無裏急後重大
便流利小便清長此由陰性遲緩所以外證不急
遇此切不可姑息但以集成三仙丹下之以去其
其積倘不急下必致養虎貽患其積日久漸次下
墜竟至大腸下口直腸上口交界之處有小曲摺

隱匿於此爲腸臟最深之處藥所不到之地證則
乍輕乍重或愈或發便則乍紅乍白或硬或溏總
無一定任是神丹分毫無濟蓋此積不在腹內而
在大腸之下諸藥至此性力已過盡成糠粃安能
去此沉匿之積所以冷痢有至三五年十數年不
愈者由此故也古方用巴豆爲丸下之者第恐人
病神虛未敢輕用今以至捷至穩鴉膽子一味治
之此物出閩省雲貴雖諸家本章未收而藥肆皆
有其形似益智子而小外殼蒼褐色內肉白而有

曉明按章
恐草字

油其味至苦，用小鐵錘輕敲其殼，殼破肉出，其大如米，敲碎者不用，專取全仁用之。三五歲兒二十餘粒，十餘歲者三十多粒，大人則四十九粒，取天圓肉包之，小兒一包三粒，大人一包七粒，緊包空腹吞下，以飯食壓之，使其下行，更藉此天圓包裹，可以直至大腸之下也。此藥並不峻厲，復不肚痛，俟大便行時，有白凍如魚腦者，卽冷積也。如白凍未見過，一二日再進一服，或微加數粒，此後不須再服。服藥時忌葷酒三日，戒鴨肉一月，從此除根。

永不再發。倘次日肚中虛痛，用白芍一根、甘草一根，俱重三錢，紙包水濕，火內煨熟，取起搥爛煎湯服之，立止。不忍隱秘，筆之於書，以公世用。

○瘡疾證治

經曰：痲瘡皆生於風。又曰：夏傷於暑，秋必痲瘡。○夫風與暑陽邪也，寒與水陰邪也。然風爲陽中之涼，氣暑爲熱中之寒邪，合是四者而言，無非皆屬乎寒。故俗號爲脾寒，謂病邪客於肌肉之間，而脾應肉也。及瘡之將發，必先手足厥冷，以脾主四肢也。

經言暑者言時氣也寒者言病氣也雖邪氣自淺而深鬱寒成熱然終不免寒爲本熱爲標耳人而不解縱實亦虛非大補真氣大健脾胃莫能瘳也瘳必有寒有熱蓋外邪伏於半表半裏正在少陽所主之界出與陽爭陰勝則寒入與陰爭陽勝則熱卽純熱無寒爲溫瘳純寒無熱爲牝瘳要皆自少陽而造其極偏故補偏救弊亦必還返少陽之界使陰陽協和而後愈也謂少陽而兼他經則有之謂他經而不涉少陽則不成其爲瘳矣瘳之不離

乎少陽如咳嗽之不離於肺也

凡小兒觸冒風寒暑濕客於皮膚積於臟腑邪正相攻陰陽偏勝發爲寒熱往來陽不足則先寒後熱陰不足則先熱後寒寒多熱少者陰勝陽也熱多寒少者陽勝陰也陰陽互攻則寒熱相半其初也必內有痰食致臟氣不流故發而爲瘧

瘧之止發有定期其間有一日間日二三日者此臟氣有盛衰邪之輕重不等也發於夏至後處暑前者三陽受病傷之淺而暴也發於處暑後冬至前者

明按項
作領

者三陰受病傷之遠而深也發在子後午前者陽
分受病易愈發在午後子前者陰分受病難愈尤
當以寒熱多寡稟受強弱而參之則得矣

瘧疾之證始而呵欠繼而足冷面色青黃身體拘急
戰慄鼓項腰脊俱痛寒去未已內外皆熱頭痛而
渴但欲飲水嘔惡煩滿而不嗜食者皆其候也由
小兒脾胃素弱邪氣得以乘之雖有寒熱虛實之
不同然要不離乎脾胃其證亦有五乃風寒暑濕
食也治法之要宜分初中末而治之初則截之謂

邪氣初中正氣未傷畧與疎解卽驅之使去不可
養以爲患也中則和之謂邪氣漸入正氣漸傷或
於補中加截藥或於截中加補藥務適其中以平
爲期末用補法謂邪人不去正氣已衰當補其脾
胃爲主使正氣復強則邪不攻自退矣

一風癰因感風得之惡風自汗煩渴頭疼風陽也故
先熱後寒初時宜發散桂枝白朮湯不退小柴胡
湯加常山檳榔烏梅截之人而不退補中益氣湯
多服自愈

一寒瘧因感寒得之無汗惡寒慄慄面慘寒陰也故
先寒後熱宜發散寒邪養胃湯加桂心不止平胃
散加檳榔草薤截之人不止六君子湯加薑桂
一暑瘧因傷暑得之陰氣獨微陽氣獨發但熱不寒
煩渴少睡嘔惡時見肌肉消爍宜解暑毒柴胡白
虎湯不止去石膏加貝母常山檳榔截之人不止
補中益氣湯

一濕瘧因冒襲雨濕汗出澡浴坐卧濕地得之身體
重痛肢節煩疼嘔逆脹滿胃苓湯不退平胃散加

曉明按脫
當作脫下
同

茯苓檳榔常山截之久不止參苓白朮散

一食瘧一名痰瘧由飲食不節饑飽有傷然也凡食
啗生冷魚肉油膩之物以致中脘停痰皆爲食瘧
其候饑不欲食食則中滿嘔逆腹痛宜去其食四
獸飲不止以二陳湯送紅丸子久不止六君子湯
加青皮薑桂

有瘧痢並作者初用小柴胡加當歸白芍檳榔以解
表導滯不已六君子湯加桂枝

瘧後腫此病極多胃苓九五皮湯下不消六君子湯

加薑桂砂仁四肢冷者加附子

瘡後食少黃瘦不長肌肉者將欲成疔但以平瘡養脾丸調之多服自愈

有夜瘡此邪在血分宜麻黃桂枝湯加地黃紅花不止以四物湯合小柴胡加升麻提出陽分用四君子湯加常山烏梅槲櫟截之

○入方

桂枝白朮湯

治感風而發熱瘡

嫩桂枝

錢一

杭青皮

錢一

真廣皮

錢一

正川芎

分五

香白芷

分五

法半夏

錢二

白雲苓

錢一

漂白朮

分六

家蘇葉

分七

芽桔梗

分五

尖檳榔

分五

生薑三片、大棗三枚、水煎於未發前二時服、

小柴胡湯

方見二卷傷寒門

補中益氣湯

方見一卷保產門

養胃湯

治感寒發瘧

草菓二薑製五分

藿香葉錢五分

真廣皮薑汁炒一錢

上桂心錢一

炙甘草五分

生薑三片、烏梅一粒、水煎熱服、

平胃散

治寒瘧不止以此截之、

漂蒼朮錢二

紫川樸錢五

真廣皮錢二

炙甘草錢一

尖檳榔錢一

草菓仁薑汁炒極熟一錢

生薑三片、大棗三枚、水煎清早空心服、

六君子湯

方見二卷類摘門

柴胡白虎湯

治傷暑發瘧但熱不寒

官揀參

錢一

北柴胡

錢二

片黃芩

錢一

法半夏

錢一

熟石膏

錢五

淨知母

錢一

炙甘草

錢一

晚粳米

撮

生薑三片、大棗三枚、水煎未發前服、

胃苓湯

方見二卷傷濕門

參苓白朮散

方見三卷疳證門

四獸飲

治食滯和胃消痰

官揀參

錢一

法半夏

錢二

白茯苓

錢二

真廣皮

錢一

漂白朮

錢二

老生薑

錢一

大紅棗

枚一

肥烏梅

粒三

炙甘草

分五

淨水濃煎半饑服

二陳湯

方見三卷泄瀉門

紅九子

治食滯食積氣滯腹脹

京三稜 蓬莪朮 杭青皮 真廣皮 真胡椒

白乾薑

已上各三錢

共爲細末，早米粉煮糊爲丸，菴豆大，黃丹爲衣，每服一二十丸，陳湯煎送。

五皮湯

方見二卷傷濕門

平瘧養脾丸

不問遠年近日此藥不發不截誠治瘧之王道又
擅去瘧之良能也

官揀參

切焙

漂白朮

土炒

白茯苓

乳蒸

真廣皮

酒炒

杭青皮

醋炒

法半夏

焙

漂蒼朮

炒

紫川樸

薑製

北柴胡

酒炒

嫩黃耆

密炙

結猪苓

炒

宜澤瀉

炒

嫩桂枝

焙

小常山

焙

大鱉甲

醋炙

白當歸

酒炒

正川芎

酒炒

粉甘草

炙

草薢仁

薑製

右藥一十九味俱等分共為細末酒煮麴糊丸米

粒大每服一二錢米飲下有痞塊者加三稜莪朮
人瘡體虛者非此莫愈

麻黃桂枝湯

治夜瘧血分有邪宜用此發散其血中風寒

淨黃麻

錢一

柳桂枝

錢二

片黃芩

錢一

光桃仁

五十

炙甘草

錢一

大生地

錢一

鮮紅花

五分

葱白一莖水煎熱服

四物湯合小柴胡湯

治夜瘧以此提出陽分

大熟地錢二 大當歸錢五 杭白芍錢一 正川芎錢一

官棟參錢五 北柴胡錢一 片黃芩錢一 法半夏錢一

炙甘草錢五 綠升麻錢一

生薑三片、大棗三枚、水煎熱服、

加味四君湯

治夜瘧已出陽分以此截之、

官棟參錢一 漂白朮錢二 白雲苓錢五 炙甘草錢一

小恒山錢一 尖檳榔錢一 肥烏梅粒三

生薑三片、大棗三枚、水煎發日微明服、

○瘧疾簡便方

小兒凡有瘧疾、多有病氣、須常燒檀速之香、以辟其邪、更常熏其衣襪等物、氛穢去、而邪易除矣、

凡瘧藥必露者、瘧乃暑邪之因、露爲肅殺之氣、性理大全謂霧屬陽、露屬陰、霧生物、露殺物、則知暑邪逢露卽解矣、

凡瘧疾口渴、切不可飲冷水、茶併生冷之物、犯之其病益甚、惟以薑湯乘熱飲之、此良法也、

凡瘧疾熱未全退、切不可令其飲食、必俟其熱已退、

盡方可食之不然終成癖積、

凡服止截之藥必須候過發時不發方可喫粥食早
瘡必再作下次截藥無靈矣、

清邪止瘡方

李士材製

升麻柴胡各二錢提陽氣上升使遠於陰而寒可
止黃芩知母各一錢五引陰氣下降使遠於陽而
熱自已生薑三錢却邪歸正甘草五分和其陰陽
二三劑自止、

四神酒治人瘡不止二服卽佳永不再發用常山一

錢五分檳榔一錢丁香五分烏梅一箇好酒大半碗畧煎露一宿發日空心冷服

無痰不成瘧所以瘧家多蓄痰涎溢飲常山能破涎逐飲故有截瘧之功然須用於發散表邪之後及提出陽分之時則發無不中矣凡服常山切勿熱服須露一宿爲妙熱服則吐生用亦吐與甘草同服亦吐凡大虛之體切宜斟酌未可遽投

小兒邪瘧其發無時日期不定乍早乍晚或有或無者名爲邪瘧以麝香五釐同好京墨同研書去邪

辟魔四字於額上效

小兒熱瘧不寒者用穿山甲一兩大紅棗十箇同燒存性爲末每用一錢發日五更白湯調服、

小兒人瘧不止用大驚甲小者不用以醋炙枯研末每錢或錢五隔夜一服清晨一服將發時一服無不斷者

瘧來寒多熱少飲食不思用良薑一兩麻油炒炮薑一兩共爲末每二錢用猪膽汁調成膏臨發時熱酒調服或以猪膽汁和丸如芡實大每服七丸酒

送亦佳。膽屬甲木，取其引入少陽也。

○消渴證治

經曰：心移熱於肺，傳爲膈消。又曰：二陽結，謂之消。○
夫消渴者，枯燥之病也。凡渴而多飲爲上消，肺熱也；多食善饑爲中消，胃熱也；渴而小便數，膏濁不禁，爲下消，腎熱也。雖爲火盛水衰之證，然由虛熱者多，實熱者少。若作有餘治之，誤之甚矣。

始而心肺消渴，脾胃消中，或腎虛消濁，傳染日人，則腸胃合消，五臟乾燥，精神倦怠，以致消瘦，四肢將

爲不起之候初起治之得法必不至是

一消渴由心火動而消上上消乎心移熱於肺渴飲
茶水飲之又渴名曰上消小便最多由其水不能
停所以飲水無厭若飲一澠一者可治飲一澠二
者不可治宜蓮花飲爲主次以生津四物湯滋其
陰庶幾有濟

一消肌脾火動而消中中消於脾移熱於胃喜多食
食無足時小便色黃名曰中消宜人參白虎清胃
保中

一消渴乃上消之傳變肺胃之熱人不清乃致動而消腎移熱於膀胱小便渾濁色如膏脂名曰下消宜加味地黄湯滋其真陰久服可愈

已上渴證初起者宜用前法倘日久不愈津液枯燥其渴愈甚若仍用黃連花粉苦寒之類未有不致危殆者惟七味白朮散對證之藥放膽用之非此不愈

○入方

蓮花飲

治上消口渴飲水不休

白蓮鬚

粉乾葛

白雲芥

大生地

已上各一錢

真雅連

天花粉

官揀參

北五味

淨知母

炙甘草

淡竹葉

已上各五分

燈心十莖水煎熱服

生津四物湯

治上消已服蓮花飲後用此

白歸身

大生地

杭白芍

淨知母

大麥冬

官揀參

已上各一錢

正川芎

正雅連

天花粉

川黃蘗

炙甘草

已上各五分

肥烏梅

一粒

燈心十莖水煎熱服

人參白虎湯

治中消消穀易饑食無厭足

官揀參

錢一

熟石膏

錢二

淨知母

錢五

炙甘草

錢一

加晚粳米一兩為引水煎以米熟為度澄清熱服

加味地黃湯

治下消小便渾濁色如膏脂

大懷地

錢二

正懷山

錢五

山茱肉

錢二

宜澤瀉

六分

粉丹皮

錢一

白雲苓

錢二

建連肉

分七

淨知母

分五

芡實米

錢一

大麥冬

錢一

北五味

粒十四

淨水濃煎清晨空心服

七味白朮散

治小兒人病消渴口乾不止惟此晁神放膽用之

方見三卷泄瀉門

○消渴簡便方

蠶繭湯通治三消之證用蠶繭殼或取絲綿結塊者

取來煎湯時時當茶飲飲至二七無不愈者蓋此

物與馬同氣皆屬午火在人爲少陰君火善伏膀胱民火引陰液上潮於口而渴自止昧者以爲膀胱之火作祟不知膀胱之火不能收攝已隨小便而去惟其不能上潮所以津液不生而口作渴不觀仙家運用三昧真火以心爲君火命門相火膀胱民火起火必自膀胱始而後相火君火三火齊發煨煉陰魔真火熏蒸甘露自降何渴之有

消渴日夜飲水無度用猪肚一個洗極淨入淡豆豉五錢在內以線縫之煮極爛取汁飲之肚亦可食

又方煮猪血清湯不入油鹽多飲極效此物善能滋陰降火專走血分脾氣虛者間日飲之恐防作泄故也

○諸血證治

經曰營者水穀之精也調和於五臟滲陳於六腑乃能入於脈也生化於脾總統於心藏受於肝宣布於肺施泄於腎濡潤宣通靡不由此○凡吐血者榮衛之氣逆也蓋心者血之主肺者氣之主氣主噓之血主濡之榮養百骸溉灌筋脈升降有常自

然順適或外干六淫內傷飲食氣留不行血壅不
濡是以熱極湧泄不無妄動之患且氣有餘便是
火火乘於血得熱妄行上奔而爲吐血也故小兒
吐血因傷食者最多蓋陽明多氣多血若鬱熱內
逼必致榮血妄行所以小兒吐血屬胃者十之七
八更有尙在襁褓而吐血者多由重帷煖閣火氣
熏逼或過啖辛辣流於乳房兒飲之後積溫成熱
熱極上崩或吐血或衄血或尿血或便血者有之
矣若人嗽血者是又肺虛所致宜保肺滋陰

肝朝百脈之氣，肝統諸經之血，脾胃有傷，榮衛虛損，血失常道而妄行。倘氣虛神倦，唇無紅色者，切勿寒涼。宜四君子湯先救其脾，脾實血止矣。血虛者，精神如舊，唇舌如常，以四物湯加參朮補氣，卽所以生血也。

吐血者，胃中積熱，火逼其血而妄行，故從口吐出。宜清其胃火，使血歸經。蓋血屬陰，陰主降。凡血證從下出者，順從上出者，皆逆也。清胃散。

鼻血者，脾熱傳肺，虛火上炎，血行清道，故血從鼻出。

宜加味四君子湯

有咳嗽而吐血者此心腎水火不升降火炎無制肺胃枯燥宜滋陰降火湯切不可作童子癆治

有大便下血者糞前見血者爲近血蓋血自大腸來也黃連解毒湯

糞後見血者爲遠血從胃脘小腸來也清胃散止之
人不止者補中益氣湯加胡連

○入方

四君子湯

方見三卷瘧疾門

四物湯

方見三卷瘧疾門此加人參白朮各一錢

清胃湯

治吐血并糞後血

黑梔仁

懷生地

粉丹皮

大當歸

已上四味各一錢

雅州連

五分

淨水濃煎滾熱服

加味四君子湯

治脾傳肺血從鼻出

官揀參

錢一

漂白朮

錢一

白雲苓

錢一

粉甘草

分八

芽桔梗

錢一

大麥冬

錢二

黑梔仁

錢一

片黃芩

錢五

燈心十莖竹葉七片水煎熱服

滋陰降火湯

治小兒咳嗽見血升水降火

大生地

當歸身

杭白芍

淨知母

建連肉

潤玄參

大杭冬

已上七味
各一錢

真雅連

天花粉

炙甘草

已上三味
各五分

淨水濃煎清晨空心服

黃連解毒湯

治吐血併便前下血

正雅連

五分

川黃蘗

錢一

小條芩

錢一

黑梔仁

錢一

燈心十莖水煎滾熱服

補中益氣湯

方見一卷保產門

○諸血簡便方

凡吐血鼻血低頭掬損肺臟而吐血以及上下一切

血證用百草霜掃下研爲細末以糯米煎湯大人
每服三錢小兒每服一錢米飲調服三服立愈百
草霜須鄉間燒茅草鍋底取之燒柴炭者不用
凡鼻血如注頃刻流至數升無藥可解急將患者頭
髮解開將髮梢浸新水盆內良久血卽止止後仍
服涼血清火之藥至浸髮亦不可太人只問病者
心內覺有涼氣卽止人則涼冷入心恐生別證至
神至奇此可治稍大之兒乳子無髮可浸、

又治鼻血不止用大蒜一枚去皮研如泥作餅子如

錢大左鼻出貼左足心右鼻出貼右足心兩鼻俱出貼兩足心立時卽止卽以溫水洗去之

又方以亂髮燒灰吹鼻以線扎中手指根左鼻出扎左右鼻出扎右以梔子燒灰研末吹鼻內又方治鼻血以韭菜搗汁一杯童子小便一杯和勻溫暖服之血散火降立時卽止蓋韭菜散血童便降火故也

大便瀉血用亂油髮鷄冠花側柏葉俱燒灰三味等分研極細末每服一錢水酒調服

又方用霜後乾絲瓜燒灰存性研爲細末每服一錢
酒調空心服

下血危篤不可救者用乾絲瓜一條燒灰存性研末
聽用 槐花燒灰存性研末聽用每以絲瓜末一
錢槐花末五分共研勻米飲調空心服

小兒小便血淋用鷄屎尖白如粉者炒極焦研末每
五分酒調空心服

小兒尿血烏梅燒灰存性研爲細末每次一錢米飲
調下

幼幼集成三卷終